



NST 30.11.13 18

PENSYARAH... Para pensyarah Gugusan Wajib PPIB bergambar bersama dengan Prof. Dato' Dr. Sidek Baba



CENDERA HATI... Timbalan Dekan Akademik mewakili Dekan menyampaikan cenderahati kepada Prof. Dato' Dr. Sidek Baba.

Syarahan umum Prof. Dato' Dr. Sidek tarik perhatian pelajar UMS

KOTA KINABALU: Seramai 500 pelajar Universiti Malaysia Sabah (UMS) telah menghadiri Syarahan Umum daripada Prof. Dato' Dr. Sidek Baba yang berlangsung di Dewan Kuliah Pusat 1, universiti Eko-Kampus itu baru-baru ini.

Bertemakan 'Merealisasikan Agenda Bumi Semua Manusia Dalam Konteks Negara Malaysia', syarahan anjuran Pusat Penataran Ilmu dan Bahasa (PPIB) itu nyata cukup memukau para pelajar yang kebanyakannya mengikuti Kursus Hubungan Etnik dan Kursus Tamadun Islam dan

Tamadun Asia.

Menurut Dato' Dr. Sidek, persefahaman dan toleransi perlu ada dalam mewujudkan kesejahteraan hidup bersama yakni setiap individu berhak hidup dan mendapat peluang yang adil dan dilindungi undang-undang supaya proses demokrasi benar-benar hidup untuk menjamin kesejahteraan.

"Sebuah kehidupan yang lebih baik mestilah berasaskan ilmu dan pendidikan yang bertunjangkan etika dan nilai. Dalam konteks Malaysia

yang mempunyai keunikan masyarakat majmuk dan muafakat, perkongsian serta toleransi adalah penting," ujar beliau.

Tambahnya, perbezaan dalam aliran kepercayaan dan budaya hidup tidak sepatutnya dijadikan pertentangan, sebaliknya titik-titik persamaan perlu disuburkan demi mencapai kehidupan yang sejahtera.

Turut hadir Timbalan Dekan Akademik dan Pengantarabangsaan PPIB, Dr. Suraya Sintang yang mewakili Dekan PPIB.